



# COMUNA DE DURGALI

## ASSESSORADU A SU TURISMU

### "CARRASECARE DURGALESU" 2023

#### REGULAMENTU PRO S'ISFILADA DE SOS CARROS ALLEGÒRICOS E DE SOS GRUPOS DE MÀSCARAS

(Aprovadu cun deliberatzione G.M. n. \_\_\_ de su \_\_\_\_\_)

1. Sa dimanda de partetzipatzione a s'isfilada l'at a dèvere presentare e firmare su Cabugrupu (Responsàbile de su Carro o de su Grupu) in unu mòdulu a posta disponibile in s'Ufitziu Cultura de sa Comuna (tel. 0784 927242 –929050). Su cabugrupu at a dèvere, in prus, comunicare sos nominativos de sos responsàbiles de su carru (1 cada 30 figurantes), chi siant de majore edade, e s'elencu de sos partetzipantes cun sa liberatòria pro sos minores de edade;
2. Est a presentare s'elencu de totu sos chi ant a pigare parte cun sos datos anagràficos e sa liberatòria sutascrita dae unugenitore pro sos minore de edade;
3. In manera cuntestuale a sa presentada de sa dimanda su responsàbile de su carru at a dèvere lèghere e firmare pro atzetatzione una còpia de su presente regulamentu chi at a abarrare depositada in sos atos e nd'at a dèvere retirare una còpia pro informare de sas règulas a totus sos partetzipantes;
4. Su cabugrupu at a dèvere comunicare su nùmene de s'autista de su carru. S'autista at a dèvere rispòndere de su trànsitu curretu de s'automezu segundu sos inditos dispostos dae su regulamentu presente;
5. At a èssere possibile a si marcare a sas isfiladas su:
 

{	<b>Sàbadu</b>	<b>18 freàrgiu</b>	isfilada de sos grupos iscolàsticos
{	<b>Domìniga</b>	<b>19 freàrgiu</b>	
{	<b>Martis</b>	<b>21 freàrgiu</b>	
{	<b>Domìniga</b>	<b>26 freàrgiu</b>	
6. Su Responsàbile de su Carru o de su Grupu at a dèvere garantire in s'isfilada:
  - su màssimu respetu de sos oràrios comunicados dae sos organizadores;
  - su màssimu respetu de s'òrdine de isfilada;
  - de àere cumpretadu su caminu chi sos organizadores ant a àere disinnadu gasi comente s'itineràriu pro remunerare su carru non prus a tardu de s'ora istabilida;
  - su de vietare a sos figurantes prus minores de 18 annos de bufare cosas cun alcol;
  - su de mantènnere su volùmene de sa mùsica non prus artu de sos limites dèghidos;
 Su mancadu respetu de sos puntos de in antis at a cumportare sas contraventziones dispostas dae sa lege;
7. S'apuntamentu pro s'isfilada de sos grupos de sas iscolas est posta pro sàbadu **18 de freàrgiu a ora de sas 10.00** cun partèntzia de Carrera Lamarmora (locales "Sàlici"), sighende peri Carrera Lamarmora e lompente a su campu de s' Iscola Elementare.
8. S'apuntamentu pro s'isfilada de sos carros allegòricos in sas dies de **Domìniga 19, Martis 21 e Domìniga 26 de Freàrgiu** est cuncordada a ora de sas 16.00 dae Carrera Lamarmora (Castula), lompente nche a "Su Ponte" non prus a tardu de sas oras 20,30. S'autista de su carru at a pensare a nche pigare su veìculu pro pòdere permitere s'abertura de su tràficu.
9. A ora de sas 21,30 nche depet èssere torrada in trassa sa tzirculatzione de sos veìculos
10. Sa distàntzia dae unu carru a s'àteru devet èssere sa chi bi cheret pro sas coreografias;
11. Sos figurantes no ant a dèvere tènnere cumportamentos perigulosos pro issos matessi e pro sos àteros (su de ballare in subra de sas rodas de su trattore, is subra de sas càscias, in subra sa cabina de su mezu, etc..)
12. Est dispostu unu prèmiu de € 800,00 pro su carru allegèoricu € 400,00 pro su grupu de mèascaras prus bellu e divertidu, chi at isfilare a su nessi 2 dies (pro sas iscolas: sàbadu e martis, pro sos àteros grupos o carros: domìniga e martis) e chi at a respetare sos inditos de su regulamentu presente.
13. Su mancadu respetu de su regulamentu presente at a pòdere cumportare s'esclusione de su carru dae s'isfilada e dae su concursu a prèmios.

Sa Responsàbile Àrea Sotziale, Culturale e Isport  
F.to (Maria Teresa Casula)